

晉江文庫

國史唯疑

上册



明·黃景昉 著



海峽出版發行集團
THE STRAITS PUBLISHING & DISTRIBUTING GROUP
晉江出版社

国史唯疑

(上册)

明·黄景昉 著



海峡出版发行集团
THE STRAITS PUBLISHING & DISTRIBUTING GROUP


鹭江出版社
LUJIANG PUBLISHING HOUSE

2016年·厦门

國史唯疑



國史唯疑四本共十二卷
孫晉以黃東崖相國
暑昉撰著年未夏秋偶客三山澄園人高北雲
客借鈔 如亭藏





國史唯疑卷之一

洪武 建文



太祖料敵如神諸將皆奉指麾如曰陳友諒剽而輕其志驕張士誠狡而懦其器小攻友諒知士誠必不能越姑蘓為之援若先攻士誠則友諒傾國至矣其議擣元都也先取山東撤其屏蔽旋師河南斷其羽翼拔潼關守之據其戶檻彼勢孤援絕元都不戰自克因鼓行而西雲中九原關隴可席卷下也數語判斷南北用兵先後鑒極毫髮姑置唐文皇勿論漢宋二祖瞠乎後矣

鄱陽湖之戰特勅大將軍達還建康明委以居守之任淮陰鄼侯
殆兼有之河南平為駕幸汴梁置酒嘉勞推誠待下又與漢祖
晨馳入軍事迺別

李文忠初克嚴州與大海有隙 上批示其督事郭彥仁曰保指
揮我親男胡院判我心腹汝必於我男處丁寧說知按岐陽
為

高皇弟子所云外甥見舅如見娘也呼為親男亦同沐黔寧例
耶稽傳寔小名保舍育帳下比於兒子賜姓朱吳元年始復故
姓

陳友諒驍鷲有權術兵敗屢奮凡再陷南昌安慶池州太平以窺建康且全有江湖重地浸及浙閩勢幾不可嚮邇跡其行事其在項羽下李密上乎偶中飛矢斃天寔厭之非是憂未歇也時我軍殊死戰亦屢濱殆

繇南通州渡江抵常熟突犯姑蘇險反居內併京口大江之防無所用之真奇師也張士誠初起嘗因之怪承平久靡談及者方姑蘇下即分師趣取通州意同

初張九四據吳恃多壘礮石自固王半軒行私語人曰兵法柔能制剛設植蕩篠頗而常者繫布其端如帡幪然師出沒其下雖

礮至而布與之低昂技無所施後常開平破城卒用前策行故
奇士所傳虎穴中可遊戲即其人也聞張氏頗待諸遊客厚多
附者

寧海葉允以布衣上 高皇帝書一經三目談取天下策甚詳後
用兵次第具如預料而國史不載其名雲海飄戒行藏在安期
生徐鴻客之間異矣異矣

大誥初篇有云朕軍中十有四年未嘗妄將一婦女惟征武昌怒
陳友諒妻其妾朕旋自疑不審色與豪智人監朕過按此即俗
訛傳潭王事所繇始也謂王母達定妃故友諒姬王長詢得之

惠反闔宮自焚死事亦影響然 高皇帝日月之食業自表出
矣惟後人不讀大誥鮮知者蜀明昇母彭氏後亦召入宮中

張士誠陳友定同自經不殊俘至不屈死猶有氣槩業不能如粵
何真度無全理等死耳其視陳理明昇輩不較磊落乎怪當時
能容方國珍李思齊之降俾終奉朝請而獨介々於二監子必
遠投之高麗意淵微未易窺測豈楚蜀餘黨尚慮有生心者歟
江楚間每盛防柯陳種為真友諒後不隸徭賦橫自如然事竟
無他

破陳友諒後不乘勝徑擣武昌復還金陵儒士戎簡嘗疑之 高

皇漫以窮寇勿追為解要非本懷夫所為亟圖班師者拳、為根本計懼張氏之襲其後也士誠真自守虜懦同劉表諸策士亦無復謀及何哉

韓林兒稱宋遺號自初造至敗無足道者而國初猶奉其龍鳳紀年至林兒殂始罷德深厚矣林兒僭帝盈一紀殂建康史不無微辭然其視更始劉盆子為幸爾多觀劉基踢所坐床直詆為牧豎子情景具見

元末江淮以北盡蹂躪於劉福通群盜手自北直山東西河南陝西以至大同興和諸邊塞無寧土焉即遼陽上都亦被攻陷極

元君臣將相謀畧以枝拄中原不給無暇及江南一步其後徐
常北伐之師摧同枯朽亦未必非群盜力昔稱陳涉項羽之興
為漢驅除信矣知高皇所為縻羈勿絕意乃陰在此

余闕守安慶於池州太平為隣聖祖未嘗一加兵焉撫之獨厚
非惟惜其才名亦陰藉為陳氏屏蔽耳與待小明王法同黜危
素俾往守闕廟悲慨又深

明王琬以陳友諒之弑其主也絕之名義甚正性馴厚立國微有
規模異草竊輦惜其早隕天之將以開聖明乎讀史至竇建德
擒明王琬卒俱可慨然難成敗論

廖永忠伐蜀以瞿塘峻急守禦固輒遣壯士舁小舟衣青蓑衣與
草樹同色緣山行既度關繞出敵背放舟入江鼓譟下蜀人大
驚法竒甚鄧艾陰平之險視此非殊明昇納款降永忠辭候湯
和至始受有學有識又越晉濬渾遠矣天生廖將與傳成雙及
傳一廖二之褒信非虛獎卒下獄死坐使所善儒生探上意事
亦難明

高帝手削平諸鎮未嘗輕筆之文獨御製平西蜀紀且命劉基為
頌豈深有得意於是者乎首云朕親紀征蜀二道總兵官功之
低昂以旌忠勇有智之將又張無謀鈍兵之徒前指傳友德廖

永忠浚湯和楊璟也賞罰嚴乃再然璟頗有定荆南粵西功視
永忠亞

征閩師分三道胡廷瑞自江西入邵武湯和繇海道入福州復遣
李文忠從浦城進逼建寧區畫井然惟延平為陳友定所據頗
費攻餘傳檄耳閩情形寔止如是

山西省歸我版圖屬常開平功中山業少遜矣擴廓故健鬪能軍
非出其不意襲之勝詎易決觀中山出塞之役可見劉誠意曰
王保保未易輕也亦良憚之

常開平王軍過臨淄十餘卒入民家取酒相歐擊一市盡謹臨淄

令歐陽銘呵止之不服因笞遣之開平怒詎曰令何敢爾銘直上謁以大義控陳良父意解為責軍令而禮銘重申嚴約束無敢譁者銘信能吏益思開平之為將賢吳漢賈復之流方之蔑矣

如徐中山王生平極沉重迺極機警極剛果迺極回翔極君臣之誼篤迺極功名之患深迹視之見為軼蕭曹侔姬呂寃直張留侯一轉解耳惟留侯蹈虛如仙佛然必思出世中山王踰實如吾儒然故欲入世功行不同而其為脫離生死之心一也徒隨聲讚王却被瞞過

劉誠意祖濠以計紹醉元使寢之樓自焚其居元使所捕籍燬焉
密錄渠魁二百人授之餘獲免全活無筭濠此舉智仁勇三德
兼有之篤生元勲豈偶也哉

世每以仕元譏宋學士濂宋雖始用薦拔國史編脩辭不赴於迹
未有涉也惟劉誠意伯基少舉元進士為高安丞為行省掾為
儒學副提舉為元帥府都事為行樞密院經歷為行省郎中屢
被權奸所中羈管幾自殺強起放浪山水間繇斯言之宋未合
厓之女劉棄婦也碩議未有及劉者私所未喻

夫宰相者持心如水以義理為權衡而已無與焉此劉文成語也

可為千載論相極則予恒誦之次則楊文貞所云天下國家事當以天下國家心處之語亦復佳

太祖賜劉誠意還鄉誥明言君子交絕不出惡聲所稱許頗畧末云禽鳥生於叢木翎翅乾而飛去時復顧戀舊巢况人乎直以禽鳥為喻未免唐太宗輕褚遂良意其云商不忘於道官終老於家誠人生萬幸亦非吉祝噫以開國君臣魚水歡投尚致參差矧其下此者乎有志之士所為流涕於燕昭樂毅之間也夫宋學士濂為國朝文臣之首讀其翰林承旨誥詞云爾濂雖博通今古臨事每牽制弗決使爾檢閱有餘用之施行不足乃知

高皇帝所為不相濂非靳之也賜之觴曰男兒何不慷慨為雖
戲談亦或有以

國初嚴肩輿禁自丞相以下皆弗之許宋承旨以疾賜歸特令中
書造安車給健丁六人稱盛事宋所蒙恩遇最多既歸後上
嘗一夢見之以語其子燧張伯誠詩霜晨鳳閣聽綸音夜夢金
華老翰林時有舍人臣宋燧叩頭感激聖恩深摹寫特工
劉基胡深葉琛章溢沒後並為高帝所追念字呼之召其子詣
闕褒賚有差獨於宋濂之謫永漠然何也先時嘗面獎濂曰方
今四夷盡聞卿名卿善自愛危哉濂蚤宜知惧矣後來茂州禍